



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱԳԱԾՈՏՆԻ ՄԱՐԶՊԵՏ

Ո Ր Ո Շ ՈՒ Մ

2026 թվականի մայիսի 18 թիվ 181-Ա

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱԳԱԾՈՏՆԻ ՄԱՐԶԻ ԾԱՂԿԱՀՈՎԻՏ
ԲՆԱԿԱՎԱՅՐՈՒՄ ՑՈՒՑԱԴՐԱԿԱՆ ՀԱՏՈՒԿ ՏԱԿՏԻԿԱԿԱՆ
ՈՒՍՈՒՄՆԱՎԱՐԺՈՒԹՅԱՆ ՆԱԽԱՊԱՏՐԱՍՏՄԱՆ ԵՎ ԱՆՑԿԱՑՄԱՆ ՄԱՍԻՆ**

Ղեկավարվելով «Տարածքային կառավարման մասին» Հայաստանի Հանրապետության օրենքի 5-րդ հոդվածի 3-րդ մասով, 19-րդ հոդվածի 1-ին մասի 2-րդ կետով և հիմք ընդունելով «Հայաստանի Հանրապետության Արագածոտնի մարզի բնակչության պաշտպանության և քաղաքացիական պաշտպանության համակարգերի նախապատրաստման 2026 թվականի հիմնական միջոցառումների պլան»-ի 3.1 կետի պահանջները.

ՈՐՈՇՈՒՄ ԵՄ՝

1. 2026 թվականի մայիսի 26-ին Հայաստանի Հանրապետության (այսուհետ՝ ՀՀ) Արագածոտնի մարզի Ծաղկահովիտ բնակավայրի Շիրակացու 3 հասցեում, իմ ղեկավարությամբ, անցկացնել ցուցադրական հատուկ տակտիկական ուսումնավարժություն «Փրկարարական և որոնողափրկարարական աշխատանքների կազմակերպում և իրականացում ուժեղ երկրաշարժի դեպքում» թեմայով:

2. Ցուցադրական հատուկ տակտիկական ուսումնավարժությանը ընդգրկել՝

1) ՀՀ ներքին գործերի նախարարության փրկարար ծառայության Արագածոտնի մարզային փրկարարական վարչությանը,

2) ՀՀ ներքին գործերի նախարարության փրկարար ծառայության Արագածոտնի մարզային փրկարարական վարչության Արագածի հրշեջ-փրկարարական ջոկատից երկու մարտական հաշվարկ և օպերատիվ խումբ,

3) ՀՀ ներքին գործերի նախարարության ոստիկանության պարեկային ծառայության Արագածոտնի մարզի գումարտակից մեկ կարգախումբ,

4) Շտապ օգնության մարզային ծառայությունից մեկ բրիգադ,

5) «Հայաստանի էլեկտրական ցանցեր» ՓԲԸ «Մուսալեռ» մասնաճյուղի Արագած շրջանային էլեկտրոցանցից մեկ վթարային խումբ,

6) «Գազպրոմ Արմենիա» ՓԲԸ Արագածոտնի գազամատակարարման և գազաֆիկացման մասնաճյուղի համապատասխան տարածքային տեղամասից մեկ վթարային խումբ:

3. Ցուցադրական հատուկ տակտիկական ուսումնավարժության ղեկավարման շտաբի պետ նշանակել ՀՀ ներքին գործերի նախարարության փրկարար ծառայության Արագածոտնի մարզային փրկարարական վարչության պետի տեղակալ, փ/ծ փոխգնդապետ Արտակ Շամիրյանին:

4. Հաստատել՝

1) ցուցադրական հատուկ տակտիկական ուսումնավարժության ղեկավարման շտաբի կազմը՝ համաձայն հավելված 1-ի,

2) ցուցադրական հատուկ տակտիկական ուսումնավարժության նախապատրաստման օրացույցային պլանը՝ համաձայն հավելված 2-ի:

5. Ուսումնավարժության ղեկավարման շտաբի պետին՝

1) ապահովել ցուցադրական հատուկ տակտիկական ուսումնավարժության անցկացման փաստաթղթերի ժամանակին մշակումը և մինչև 2026թ. մայիսի 22-ը ներկայացնել իմ հաստատմանը,

2) ապահովել ուսումնավարժության նախապատրաստման և անցկացման փաստաթղթերի հետ մասնակիցներին ծանոթացումը,

3) կազմակերպել ուսումնավարժության ներգրավված ուժերի նախապատրաստումը՝ համաձայն հաստատված օրացույցային պլանի,

4) մինչև 2026 թվականի մայիսի 25-ը զեկուցել ուսումնավարժության անցկացմանը պատրաստ լինելու մասին,

5) ապահովել բոլոր մասնակիցների ներգրավվածությունը ուսումնավարժությանը:

6. Գործնական միջոցառումների խմբի ղեկավարին՝

1) ապահովել համագործակցությունը ուսումնավարժության մասնակիցներին հետ,

2) ապահովել գործնական միջոցառումների ընթացքում անվտանգության կանոնների պահպանումը,

3) անվտանգության կանոնների խախտման դեպքում անհապաղ դադարեցնել իրականացվող միջոցառումները:

7. Ուսումնավարժության մասնակիցներին՝

- 1) ճշգրտել համապատասխան պլանները, համալրել անձնակազմը համապատասխան գույքով և հանդերձանքով,
 - 2) գործնական միջոցառումների ընթացքում խստագույնս պահպանել անվտանգության կանոնները,
 - 3) պատրաստ լինել զեկուցելու ընթացքում կատարած միջոցառումների մասին:
9. Սույն որոշման կատարման հսկողությունը վերապահում եմ ինձ:
10. Սույն որոշումը հայտարարել ըստ առնչության:

Հայաստանի Հանրապետության Արագածոտնի մարզպետի

Ստորագրող
ԱՐՄԵՆ ԳՐԻԳՈՐՅԱՆ
3510860535

պարտականությունները կատարող՝

2026-05-19 10:15:18
Հավաստված է



Ա.ԳՐԻԳՈՐՅԱՆ

2026թ. մայիսի 18

ք.Աշտարակ